

Vasarelė

Vasarelės gražomielis.
Vaikštinėjau paopės,
Kor prabiega jaunas dėinas,
Kuriuos daugiau nebatės.

Tėn pri opės ont karklėna
Lakštingalas dainas trauk.
Kas mon pri šėrdėis nebova,
Ėšmetiau tėn vėskou lauk.

Tas upielis vingoriov dar,
Tor uns varda Bartovuos.
Žemaitėjės brongė krašta,
Ėr dalelė Lietovuos.

Kas mon pri šėrdėis nebova,
Ėšmetiau tėn vėskou lauk!
Lai so ondėnio skaidrioujo
Kuo tuoliau nu monės plauk.

Sožīdiejė baltas ėivas,
Pėivas margou nu žėidū.
Vaikštinėjau lig apsvaigės
Nu garsū ė nu kvapū.

Vasarelė, vasarelė,
Neskobiek, to dar palauk!
So lakštingalo karklėnė
Linksma daina ė to trauk!